



## ԱՐԵՂԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒ Ս. ԷԶՄԻԱԾՆՈՒՄ

Պայծառ առափոտ էր: Հայաստանի հու-  
նիսյան բարկ արևով ողողված առափոտ:  
Մայր տաճարի կամարների տակ արևի  
լույսը ընդելուզված էր խունկի բուրմունքին  
և Հոգեգալստյան սրբազան պատարագի  
հոգեպարար աղոթքին:

Խորանի առջև ծունկի էին եկել Ս. Էջ-  
միածնի հոգևոր ճեմարանի 1985 և 1986  
տարիների հինգ շրջանավարտներ, բոլորն  
էլ Հայաստանի արևով անված. Հայկ արկ.  
Չուլջյան, Ռոբերտ արկ. Ադամյան, Սամվել  
արկ. Կճոյան, Ռազմիկ արկ. Իսախանյան  
և Գևորգ արկ. Մկրտչյան: Բոլորն էլ հա-  
ջողությամբ պաշտպանել էին իրենց ավար-  
տաճառերը՝ ապացուցելով ինքնուրույն գի-  
տական աշխատանք կատարելու իրենց  
կարողությունը:

Եվ Նորին Սուրբ Օծություն Ս. Ս. Վազ-  
գեն Ա Վեհափառ Հայրապետը, գնահա-  
տելով սարկավազների իմացական պատ-  
րաստակամությունն ու պատրաստակամու-  
թյունը՝ իրենք իրենց ընծայելու Հայ Եկեղե-  
ցու ծառայության, ընդառաջեց նրանց  
խնդրանքին՝ դառնալու կուսակրոն քահա-  
նաներ:

Ձեռնադրությունը, ըստ Հայ Եկեղեցու  
կանոնի, կատարեց օրվա պատարագիչ,  
Մայր Աթոռի դիվանապետ Ս. Ներսես  
արքեպս. Պոգապալյանը և նորընծաներին

անվանադրեց. Հայկին՝ Սեպուհ, Ռոբեր-  
տին՝ Սիոն, Սամվելին՝ Նավասարդ, Ռազ-  
միկին՝ Սերովբե, և Գևորգին՝ Աբրահամ:  
Պատարագիչ սրբազանը ոգեշունչ քարո-  
զով հույս և հաստատակամություն հայտ-  
նեց, որ նորընծաները միշտ կմնան իրենց  
կոչումի բարձրության վրա և այսօր, Ս. Հո-  
գու շնորհներով հարստացած, իրենց կյան-  
քը կնվիրաբերեն հայ ժողովրդին, Հայ Ա-  
ռաքելական Եկեղեցուն և նրա դարավոր  
կենտրոն Մայր Աթոռ Ս. Էջմիածնին:


Պատարագիչ սրբազանն ասաց.

«Յանուն Հօր և Որդույ և Հոգույն Սրբ-  
բոյ, ամէն»:

«Եւ հերկեա գրանական անդաստան  
մարմնեղէն կարծրացեալ սրտիս»:

Այսօր, սիրելի հավատացյալ ժողովուրդ,  
Հոգեգալստյան տոնն է: Սրանից հիսուն  
օր առաջ քրիստոնեական բոլոր Եկեղեցի-  
ները միասնաբար տոնակատարեցին Քրիս-  
տոսի հրաշափառ Հարության տոնը: Ադ-  
օրվանից անցել են հիսուն օրեր: Մեր Տե-  
րը՝ Հիսուս Քրիստոս, իր հրաշալի Հարու-  
թյունից հետո Իր աշակերտների մեջ հայտ-  
նըվեց Վերնատան մեջ և նույնիսկ նրան-  
ցից ամենակասկածավորին՝ Թովմասին,  
ցուց տվեց իր կողը և իր ափերը՝ վստա-  
հեցնելու համար նրան, որ իսկապես ինքը  
չարչարված, խաչված, թաղված Հիսուսն





Արևիկալուսարանի քահանայապետները Երուսաղեմում



է, որ Հարություն է ստել: Այս գեղեցիկ հարության ճիշատակի օրվանից ահավասիկ հիսուն օրեր անցան: Քրիստոս եղավ իր աշակերտների հետ, նրանց հետ մասնկացեց նույնիսկ ձկնորսության և սրանից տասը օր առաջ համբարձման լեռան վրա իր աշակերտներին վերջին իր պատգամները տվեց. Գնացեք, ուսուցեք ամբողջ աշխարհին, դարձի բերեք անհավատներին, մկրտեցեք նրանց հանուն Հոր և Որդւի և Հոգւոյն Սրբո ստելով: Եվ ապա համբարձավ երկինք, և իր աշակերտները գրկվեցին նրա տեսությունից: Բայց իր Համբարձումից առաջ նա պատվեր է տվել, որ ըստ սովորության իր աշակերտները հավաքվեին Վերնատան մեջ և այնտեղ սուրբ պատարագ մատուցեին, հացը կըտրեին և ուտեին և գինին ըմպեին, որպեսզի հիշեին նրան վերջին ընթրիքի պահին, որ Քրիստոս ասաց, թե այս հացը իմ մարմինն է և այս գինին իմ արյունն է, և կատարեցեք այս՝ ամեն անգամ հիշելով ինձ ձեր մեջ: Քրիստոսի աշակերտները Համբարձումից հետո Վերնատան մեջ նույն հավատքով, նույն համոզումով, նույն տեսիլքով և նույն սպասումներով աղոթում էին: Մոտեցել էր հրեաների Պենտեկոստի տոնը: Եվ այդ օրը հանկարծ, առավոտ կանուխ, զարմանալի մի ձայն լսվեց Երուսաղեմ քաղաքում, մի հզոր դրոշմում: Ամեն մարդ զարմացավ, թե ինչ պիտի տեղի ունենա: Այդ պահին երկնքից Սուրբ Հոգին իջավ Վերնատան մեջ, հրեղեն լեզվի կերպարանքով, և հանգչեց առաքյալների և բոլոր աշակերտների վրա: Նրանք սկսեցին խոսել իրենց չիմացած լեզուներով: Նրանք սկսեցին բարբառել այն լեզուներով, որ երբեք հավանաբար չէին լսել: Եվ այդ օրերին Երուսաղեմ ուխտի եկած հրեա և օտար ուխտավորներ, երբ լսում էին, որ առաքյալները բարբառում են իրենց լեզուներով, զարմացած ասում էին. Այս Գալիլիացի ձկնորսները ո՞րտեղից են լսել և սովորել մեր ցեղական լեզուները: Նրանք խոսում էին այն օր նույնիսկ հայերեն լեզվով: Եվ մարդիկ, որովհետև միշտ կասկածամիտ են, սկսեցին ասել, թե հավանաբար Հիսուսի աշակերտները հարբած էին: Պետրոս առաքյալն ասաց. Այս բարբառումը, այս խորությունը, այս կարողությունը Սուրբ Հոգու միջոցով Պենտեկոստի օրը իջավ մեզ վրա՝ զորացնելով մեզ, վերանորոգելով մեզ և մեր բոլոր նպասակներին ուղղություն տալով:

Սիրելի հավատացյալներ, Սուրբ Հոգու իջման հիշատակի օրն է այսօր: Մենք ինչքան ուրախ ենք, որ Սուրբ Էջմիածնի այս

դարավոր կամարների տակ դուք բոլորդ հավաքվել եք հավանաբար աշխարհի տարբեր երկրներից: Մենք շատ ու շատ երջանիկ ենք այսօր, որ մեր մեջ հյուրաբար գտնվում է Հոգեգալստյան տոնի այս սրբազան օրը, Անտիոքի և համայն Արևելքի Հույն Կաթողիկե Եկեղեցու Պատրիարք Մաքսիմոս Հինգերորդը իր ջբխմբով: Ինչպես նաև շատ երջանիկ ենք, որ մեր մեջ են տեր և տիկին դեսպանը Ֆրանսիայի՝ այս սրբազան տոնի առթիվ, ինչպես նաև այն քառասունհինգ ուխտավորները, որոնք եկան Սրբազան Պատրիարքի հետ Սուրբ Էջմիածին աջօր՝ իրենց ուխտը կատարելու, և բազմաթիվ հայ եղբայրներ և քույրեր կիբանանից, Արգենտինայից ու Բելգիայից, Եվրոպայի գանազան քաղաքներից: Այսօր ձեր ներկայությամբ և ձեր վկայությամբ Սուրբ Էջմիածնի այս կամարների տակ Վեհափառ Հայրապետի հրամանով մենք ձեռնադրեցինք հինգ հոգևոր եղբայրներ մեզ համար: Նրանք Սուրբ Հոգու զորությամբ այսօր լցվեցին, և նրանց վրա իջավ աստվածային և երկնային անապառ շնորհը, նրանց հոգին գեղեցկացնելու, նրանց տալու համար քահանայության ծառայության տեսիլքը և ուժը, որպեսզի նրանք հավատարմորեն, անկեղծ կերպով, արտանց ծառայեն Հայաստանյայց Սուրբ Եկեղեցուն, իրենց Աստծու կողմից պարգևված երկար տարիների ընթացքում: Միասնաբար, սիրելի հավատացյալներ, աղոթենք, որ Սուրբ Հոգին ներգործի նրանց վրա, ուժ և կարողություն պարգևի նրանց՝ նրանց ապագա կյանքի ընթացքին:

Սիրելի հավատացյալներ, Հոգեգալուստի տոնը տոն է հավատացյալ քրիստոնյայի, որովհետև Սուրբ Հոգին Հոգեգալստյան տոնի առթիվ բաշխում է մարդկանց երկնավոր առատ շնորհներ, նրանց գեղեցկացնում է, պայծառացնում է, նրանց տալիս է կյանքի նպատակ և ճանապարհ: Եվ այս օրերին, աշխարհի տակնուվրա և փոթորկուն այս շրջանին, ինչքան անհրաժեշտ է, որ մենք ստանանք Սուրբ Հոգու շնորհները՝ սիրելու իրար, խաղաղություն բերելու աշխարհին, եղբայրսիրություն տարածելու, Էկումենիկ հոգիով լցվելու, իրար սիրելու և հարգելու, և հավասար, որպես եղբայրներ իրար զգալու, ինչքան կարևոր է, որ աշխարհը հանդարտվի, խաղաղվի Աստուծո կամքով և զորությամբ:

Քիչ առաջ իբրև բնաբան ընտրած էի Սուրբ Գրիգոր Նարեկացու՝ մեր Եկեղեցու մեծ բանաստեղծ և սրբազան աղոթող Գրիգոր Նարեկացու բառերը, խնդրելով և



կրկնելով. Հերկիր, ով Տեր, իմ սրտի բանական անդաստանները, և այնտեղ ցանցի աչք շնորհները, որ Դու տալիս ես: Այդ շնորհները թող ծաղկեն, պտղաբերվեն, ծաղկեն մեր կյանքի ընթացքում: Թող Սուրբ Հոգու շնորհները մեր վրայից անպակաս լինեն և մեզ բարեգարդեն, այժմ և հավիտյանս հավիտենից, ամեն»:

Նույն օրը, երեկոյան, սրբազան հայրը կատարեց նաև վեղարի տվչության արարողությունը:

Սրբազան պատարագին ներկա էին Ամենայն Հայոց Հայրապետ Վազգեն Ա կա-

թողիկոսը և հյուրաբար Մայր Աթոռ ժամանած Արևելքի Հույն Կաթողիկ Եկեղեցու պետ Ամենապատիվ Մարսիմոս Ե Պատրիարքը:

Պատարագին ներկա էր նաև Խորհրդային Միությունում Ֆրանսիայի դեսպան տիար Իվ Պանիեզը՝ իր տիկնոջ հետ:

Բազմաթիվ սիրուքահայեր նույնպես ապրեցին ձեռնադրության և պատարագի հոգևոր բերկրանքը:

ԹՂԹԱԿԻՑ

